

## STARFSREGLUR

### fyrir Heilbrigðisráð Íslands.

#### 1. gr.

Heilbrigðisráð Íslands er þannig skipað að landlæknir er formaður þess en eftirtaldir aðilar tilnefna einn mann hver: læknadeild Háskóla Íslands, Læknafélag Íslands, Tannlæknafélag Íslands, Hjúkrunarfélag Íslands, Samband isl. sveitarfélaga, tryggingaráð og stjórn atvinnuleysistryggingasjóðs. Samtök heilbrigðisstétta tilnefna tvo menn í ráðið og ráðherra skipar þrjú menn án tilnefningar.

#### 2. gr.

Kjörtímabil ráðsins er þrjú ár. Í fyrsta sinn eru þeir, sem tilnefndir eru af læknadeild Háskóla Íslands, Læknafélagi Íslands, Tannlæknafélagi Íslands, Hjúkrunarfélagi Íslands, Sambandi isl. sveitarfélaga og tryggingaráði þó skipaðir til fjögurra ára.

Ráðið skal starfa án þóknunar.

#### 3. gr.

Hlutverk ráðsins er:

- a. að veita umsögn um heilbrigðis- og almannatryggingamál, sem ráðherra eða ráðuneyti leggja fyrir ráðið til umsagnar eða ráðgjafar,
- b. að vera félagssamtökum, er starfa að heilbrigðis- eða almannatryggingamálum, til ráðuneytis um þau mál, sem þau óska að leggja fyrir ráðið til umsagnar og
- c. að gera tillögur til ráðherra eða ráðuneyta um úrbætur á sviði heilbrigðis- og almannatryggingamála.

#### 4. gr.

Tillögugerð sú, sem um ræðir í 3. gr. c. varðar einkum málefni þau, sem hér eru nefnd:

- a. Áætlanagerð á sviði heilbrigðis- og almannatryggingamála.
- b. Samræming á hinum ýmsu sviðum heilbrigðisþjónustunnar.
- c. Úrbætur og samræming menntunar heilbrigðisstétta.
- d. Aukin samvinna heilbrigðisstétta með hagkvæman rekstur heilbrigðisstofnana fyrir augum og bættu þjónustu fyrir almenning.
- e. Fræðsla og upplýsingaöflun um heilbrigðis- og almannatryggingamál fyrir almenning.
- f. Rannsókn á áhrifum almannatrygginga á heilbrigðisþjónustuna og nauðsyn lagabreytingar í því efni.
- g. Löggjafarmálefni sem eru orðin úrelt eða þarfnast endurbóta.

#### 5. gr.

Ráðið getur skipað nefndir eða starfshópa til þess að vinna að einstökum verkefnum.

Slíkir starfshópar eða nefndir geta, að fengnu samþykki ráðsins, leitað samstarfs við fólk, er býr yfir reynslu og sérþekkingu á því sviði, sem starfshópnum eða nefndinni er ætlað að fjalla um.

## 6. gr.

Reikningsár Heilbrigðisráðs Íslands er almanaksárið.

Ráðið skal árlega gera áætlun um óhjákvæmilegan kostnað við starfsemi þess á næsta fjárhagsári. Áætlun þessa ásamt greinargerð skal senda heilbrigðis- og tryggingamálaráðuneytinu fyrir 30. apríl ár hvert.

Ofangreindar starfsreglur staðfestast hér með.

*Heilbrigðis- og tryggingamálaráðuneytið, 26. janúar 1976.*

**Matthías Bjarnason.**

*Jón Ingimarsson.*

## AUGLÝSING

## um veitingu sérleyfis til áætlunarflugs.

Samkvæmt heimild í VII. kafla laga nr. 34 21. maí 1964, um loftferðir, hefur samgönguráðuneytið í dag veitt Flugfélagi Norðurlands h. f., Akureyri, sérleyfi til reglubundins áætlunarflugs með farþega, vörur og póst, á eftirtöldum flugleiðum innanlands, á tímabilinu 1. febrúar 1976 til ársloka 1980:

Akureyri — Raufarhöfn — Akureyri  
Akureyri — Þórshöfn — Akureyri

Sérleyfinu fylgir einkaréttur til að reka áætlunarflug á framangreindum flugleiðum, en jafnframt skylda til að halda uppi áætlunarferðum eftir því sem flutningaþörf krefur að mati ráðuneytisins.

*Samgönguráðuneytið, 29. janúar 1976.*

**Halldór E. Sigurðsson.**

*Birgir Guðjónsson.*

## REGLUGERÐ

## um gatnagerðargjöld í Seltjarnneskaupstað.

## I. KAFLI

Um þátttöku lóðarhafa í kostnaði við að gera undirbyggða götu með tilheyrandi lögnum.

## 1. gr.

Af öllum nýbyggingum svo og stækkunum eldri húsa í Seltjarnneskaupstað, skal greiða gatnagerðargjald til bæjarsjóðs samkvæmt gjaldskrá þessari.